

Broj: 03-02-1167/2021
Sarajevo, 18.11.2021. godine

BOSNIA AND HERZEGOVINA
FEDERACIJA BOSNE I HERCEGOVINE
PARLAMENT FEDERACIJE
SARAJEVO

Primljeno: 11.9-11-2021			
Ore. led.	Broj	Priloga	Ustav.
01.02	02	1953/21	

B

**PARLAMENT FEDERACIJE
BOSNE I HERCEGOVINE**

- Dom naroda
gosp. Tomislav Martinović, predsjedavajući
- Predstavnički dom
gosp. Mirsad Zaimović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje o Prijedlogu zakona o izmjeni i dopuni Zakona o penzijskom i invalidskom osiguranju, kojeg su podnijeli Damir Mašić, predsjednik Kluba SDP BiH u Predstavničkom domu Parlamenta Federacije BiH i Aner Žuljević, delegat SDP BiH u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 291. sjednici, održanoj 18.11.2021. godine.**

Mišljenje se dostavlja na službenim jezicima i pismima Federacije Bosne i Hercegovine.

S poštovanjem,



PREMIJER
Fadil Novalić

Prilog: kao u tekstu na bosanskom jeziku

Cc: Federalno ministarstvo rada i socijalne politike
gosp. Vesko Drljača, ministar

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10, 62/10, 39/20 i 67/21), a u vezi sa članom 157. stav (4) Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjeni i dopuni Zakona o penzijskom i invalidskom osiguranju, kojeg su podnijeli Damir Mašić, predsjednik Kluba SDP BiH u Predstavničkom domu Parlamenta Federacije BiH i Aner Žuljević, delegat SDP BiH u Domu naroda Parlamenta Federacije BiH, Vlada Federacije Bosne i Hercegovine je, na 291. sjednici održanoj 18.11.2021. godine, utvrdila sljedeće

MIŠLJENJE

Vlada Federacije Bosne i Hercegovine, ne prihvata Prijedlog Zakona o izmjeni i dopuni Zakona o penzijskom i invalidskom osiguranju („Službene novine Federacije BiH“, broj 13/18), kojeg su podnijeli Damir Mašić, predsjednik Kluba SDP BiH u Predstavničkom domu Parlamenta Federacije BiH i Aner Žuljević, delegat SDP BiH u Domu naroda Parlamenta Federacije BiH.

Obrazloženje

Navedenim Prijedlogom zakona predlažu se izmjene člana 79. Zakona o penzijskom i invalidskom osiguranju kako bi se, usklađivanje penzija vršilo u visini zbira 50% procenta porasta indeksa potrošačkih cijena hrane i 50% procenta porasta realnog bruto društvenog proizvoda u Federaciji u predhodnoj godini, a prema podacima Federalnog zavoda za statistiku, osim penzija ostvarenih u godini u kojoj se vrši usklađivanje, a najviše do stope rasta realnog bruto društvenog proizvoda u predhodnoj godini.

S tim u vezi, Vlada Federacije Bosne i Hercegovine isti je ocijenila neprihvatljivim, iz slijedećih razloga:

Prilikom donošenja naprijed navedene odredbe člana 79. Zakona o penzijskom i invalidskom osiguranju, predlagač zakona je posebnu pažnju posvetio parametrima koji će koristiti usklađivanju penzija, vodeći računa o načinu usklađivanja u državama u okruženju, kao i zakonskim rješenjima u ostalim evropskim državama koje imaju mnogo razvijenije ekonomije u odnosu na Bosnu i Hercegovinu, te se isti opredijelio za kombinovani sistem usklađivanja penzije zbirom 50% procenta porasta potrošačkih cijena i 50% procenta porasta realnog bruto društvenog proizvoda u Federaciji u predhodnoj godini, a što po svim relevantnim procjenama predstavlja najpovoljnije parametre za usklađivanje/povećanje penzija.

Bitno je istaći da ovako zakonsko rješenje onemogućava realan pad penzija jer je zakonodavac predvidio da je moguće samo povećanje penzija.

Imajući u vidu da je 2020. godina, kako u Bosni i Hercegovini, tako i u svijetu, bila obilježena pandemijom virusa covid-19, to je bilo realno za očekivati da će ekonomski parametri biti negativni, stoga smatramo da predložena promjena zakona nije opravdana i dugoročno nije ekonomski povoljnija, niti utemeljena na realnim pokazateljima koji bi išli u korist povećanja penzija za sadašnje penzionere.

U prilog iznesenom stavu ide i činjenica, da je članom 80. Zakona o penzijskom i invalidskom osiguranju, propisana mogućnost vanrednog usklađivanja penzija, koji ima za cilj, upravo poboljšanje statusa penzionerske populacije u vanrednim okolnostima.

Također, napominjemo da su u parlamentarnoj proceduri izmjene i dopune ovog propisa, koje između ostalog za cilj imaju poboljšanje materijalnog statusa ove populacije.

Zbog navedenog je Prijedlog za donošenje Zakona o izmjeni i dopuni Zakona o penzijskom i invalidskom osiguranju, kojeg su podnijeli Damir Mašić, predsjednik Kluba SDP BiH u Predstavničkom domu Parlamenta Federacije BiH i Aner Žuljević, delegat SDP BiH u Domu naroda Parlamenta Federacije BiH, ocijenjen neprihvatljivim, te smatramo da nije svrsishodno prihvatiti predloženu izmjenu člana 79. Zakona o penzijskom i invalidskom osiguranju.

V. broj: 1734 /2021
18.11.2021. godine
Sarajevo



PREMIJER

Fadić Novalić